

字

溪

集

六

欽定四庫全書

字溪集卷十

宋陽枋撰

詩

五言古

謁九江趙守

浮舟湓浦春民謠舉欣欣問民寧底樂州有賢使君帝
胄擢清班江國煩慇懃儀型金玉相肝腸錦繡紋周南
藹忠厚大雅卓不羣固本屹磐石理兵無絲棼城堅萬

里長氣壯三邊軍短吟亟搜枯弄斧當郢斤聊此窺一斑
所見諧所聞願公慨神州邊腹久中分五嶽判地氣
三光離天文倒竭五湖波一洗九陵氛鐘彝勒偉眈汗
史照芳芬此烈士夫耳循常奚足云

憑鼻峽

雙穴流清泉古來名有自至今存一息呼吸竅萬類山
以泉為津石以穴為鼻無形本諸天有質著乎地

遊下竺飛來峯和存子姪韻

嵯峨擅北高幽靜還西竺虎蹲石根竒龍蟠藤蔓曲面
橫白水湖背列濃嵐谷鳥碎山逾空起予詩不俗

過九江望見廬山立雪一峯和全父弟韻

阻風桑落洲悠然見廬山白雪滿蓮峯皓矗九霄間新
晴破積陰天宇豁開顏玩圖仰斯人懷古涕潛潛準擬
進扁舟躡履登螺鬟飽諳風月歸庶幾無虛還

和趙景賢使君入昌溪即事

樂灘泉東
平巴平

東出峽如筒北行溪似線晨發怯春寒午炊喜破曉灘

高石嶽嶽浪急珠璣濺平生憂患心對此倍兢戰棹夫
捷如風舞篙接飛絳昔觀武陵圖今見武陵面巖叢放谷
斤掛壁發葱蒨半天矗亂峯橫煙鎖寒練猿鳥生意深
詩筆寫豪健先生巖壑姿對此聊自厭險極復推奇一
覽嗟未遍老眼仰貪看花生渾欲焰人喚不回頭決背
強自勉造化藏秘竒人生能幾見夙昔困塵埃比來得
清玩異境延高吟勝覽愜幽念直疑紫霧深秘隱豐城
劍便欲於此中遯世真無悶朝餐色豔髮暮遊光潑灩

還恐利名牽回首成健羨

峽州程彥彪簽判賦桃花菊讀之良有佳致嗣
韻敬呈覺其東塗西抹也

羣芳發天機妍媸太紛競秋菊繁有徒色以黃為正淵
明具卓識主一無多柄日鋤三徑荒取友霜松勁後人
悅紛華逐物情其性不見黃居中方隅靡從令綠衣尊
間色心憂切吟詠陶菊抱幽姿漢廣絕游泳紅紫雜賦
形變化理難竟妖嬈妬端莊超乘誇捷徑黃花秋露中

心與晚色淨品類富脂鈿盛服粧亦靚佛頭詫奇裝桃
花卑異姓殿荷呼是兄先梅可稱孟就中甘作君今古
有同敬伊其標上藥隱居重題評汲泉擷芬英神功治
未病味真乏佳色苦坐芳筵屏輕身引華年著龜堪鑑
鏡獨立傲秋霜高風誰景行嘉哉夷齊賢不仕西周盛
解約紫茱君梗檜延福慶登高睨八荒期活蒼生命君
家瓮頭春胚脾歸酒聖

程宣義善造
菊花酒也

紹慶府教廳瑞麥

并序

淳祐庚戌麥秋于學圃得兩岐者二三岐者
一前此未之見也先是平地溪細民牛產二
犢嘉瑞迭至厥有攸自具以告州長金華王
公先生曰是乃閭帥復漢中之休徵麥以卜
坻京之盈牛以兆田萊之闢天地順助委和
而發祥矣枋輿感先生之至言欲鋪張揚厲
而材未之逮敬撰成古體三十韻以紀事實
且獻且賀幸恕其狂斐而垂覽焉

耕稼問黔巔永黍慳培塿秀實僅有之嘉祥貌烏睹府
主金華仙農事躬緬縷暖律笑吹鄒長府肯為魯節用
寓封殖寬征從字撫去年民病獲公把漏天補今年趣
春耕公有月額雨至和委來牟兩岐分藝圃雙秀可奇
觀三穎駭珍吐一如荀氏龍頭角森踽踽一如賈氏虎
偉彪稱最怒友于好弟兄長岐支偃僂芒穎乍崢嶸襁
褁辭媼姆苗脈共根株萬物本乎祖見說西家牛二犢
同一乳瑣碎衆難并異聞香前古歸功二千石為言物

有主憶昔辛丑間紅塵飛白羽陸海沈炊煙原田沒榛
枿殿角深顧憂宅西命山甫太平登九年魚鳧藹生聚
長嘯孤雲端漢中我疆宇片心天地通助順知己許畜
繁田不蕪麥瑞富高庾萬竈飽貔貅餘勇洵可賈坐縛
長橋蛟行却九關虎挈還天子地醉言執童殺衮衣逐
歸禾上瑞此焉取癰儒嘉聞言中夜長起舞欲補嘉禾
篇俚詠驚瓦甍

壽李夔州乃翁

四月十
五日

乾月生真賢老子其猶龍主靜以觀動萬籟鳴秋蟲片
心閒淵明結社同遠公俯仰身世浮妍華收晴虹堂迥
妙香凝超然天地通至懷三釜外真味一甌中震長可
代父物生辰與同正東權發育造化誰能窮艮居東北
隅生意來重重高枝翔鳳凰嚙鳴梧風嘗聞乾一氣
稟付人稀逢公全六畫陽何始復何終杞菊不足蔬芝
苓非所供剛健自無息天人知共宗世無飛昇客浪說
呂仙翁世無武陵源異境空蟠胷惟公秉乾德七十元

春容舉家秀而賢無非乾所鍾生生之謂易笑言支長
筇舉杯問蒼天天高杳無從我欲攜義篇相隨鶴山峯

崑嶽有佳人四章壽黃循齋

崑嶽有佳人婀娜蒼松姿金石結根柯綠葉瓊瑤枝抱
陽爐峯春毓英巴水滋絲苓濯繁霜清樾搖坤陞亭亭
拔煙蘿渠廈誰當支工師胡弗來歲寒心自知

崑嶽有佳人猗猗凌霜竹叢篠列委翳蕭森散清郁常
虛君子心而聳高人目娟娟鸞鳳棲濃濃露華沐玉兔

投西隅金烏出暘谷瑟僞不可謾聊爾為君祝

崑嶽有佳人神龜支其床問龜生何年太素含混茫問
龜何所飧沆瀣凝秋陽問龜何所知一理周八荒佳人
拊龜笑我心非汝量大化難淺測縮首宜深藏

崑嶽有佳人挺挺雲中鶴帝鄉迴驚心人寰寓其託仰
雲引圓吭九皋窮碧落瀛湘滄海身稻梁寄情薄昨夢
世未醒清唳不容寔鳴陰子必和天理亦昭灼

開慶元年二兒自白水之江陵間作數語送行

且勸歸也

舉家出三峽去鄉二千里卜築罄囊資苟全留白水誅
茅炊赤稻稊稗日嵌齒芥根充鼎實屢空吸清泚殘編
發空箱矮窓聊復爾晝誦夜無燈早寢接晏起江國多
雪霜木火謝司燬凍沍襲重茅刮肌復侵髓瓶儲斗升
粒食聚三百指子行其謂何艱難急生理輕財性則然
苦節此時矣荆江萃交朋酬答寧容已長語廢百事頻
遊迷短晷接羅防倒著拍手兒童恥食息在顧養交枰

繫金柅有懷趙乙囊勿錯孟嘗履泉竭云自中風驚吹
戍壘廩粟不可縻市門亦難倚我老驚太衰孫稚要提
耳來歲屬庚申上旬逢丙子人事顧天時溝壑虞近止
梅臘早還家濁醪同酌兒

與存子姪王南運上風聯句

附

舟行緩東去波颺疑西流

南運

塵揚頻閉目草偃付回眸

正父

翩翩沂岸鷺緩緩沿波鷗

存子

聚沱留積滓逆浪集浮

漚

正父

門窺雨斜入窓望山相留

南運

棹苦掌痕腫烟回皆

淚浮

父正

客舟上急急我楫去悠悠

運南

一程分兩日半月

僅三州僕嗔糧易竭客怨利難謀
舵斜橫水面人宿避

沙頭

父正

嘯想武陵虎化催西海虬欲寄風伯語聊以吾

詩投何如還借順咫尺登瀛洲

子存

七言古

送謝方伯赴試

春桑催蠶日遲遲春蠶食葉開
文闈桃源雖好不可住
高人夢繞故山薇金雞啁哳喚
出日輕舟短棹風吹衣

莫問虹梁春燕入莫吟西堂春草萋水光山色二千里
助君筆底龍蛇飛丹成九轉天上去五雲膠轕黃金扉
回首故鄉煙靄暮城郭如故人民非年來世事轉頭改
不見華表丁令威送君南浦祝此語佇立江干背夕暉

回陸主簿賀生日詩

南華眇彌誇靈椿八千為秋八千春要是循名須責實
人生三萬六千日世間修短皆自然造化到底難為言
一十二萬九千歲更加五百乾之允安樂老仙窮象數